

# Lög Hnefaleikasambands Íslands (HNÍ).

## 1. grein

Heiti sambandsins er Hnefaleikasamband Íslands, skammstafað HNÍ. HNÍ fer með æðsta vald um öll mál hnefaleikaíþróttarinnar innan vébanda Íþróttá- og Ólympíusambands Íslands (ÍSÍ).

Aðsetur sambandsins og varnarþing er í Reykjavík.

## 2. grein

Hnefaleikasamband Íslands er samband héraðssambanda og íþróttabandalaga. Öll héraðssambönd og íþróttabandalög ÍSÍ, sem hafa innan sinna vébanda félag er iðka, æfa og keppa í hnefaleikaíþróttinni, geta orðið aðilar að Hnefaleikasambandi Íslands.

## 3. grein

Hlutverk HNÍ er í meginatriðum eftirfarandi:

- a) Að vinna að stofnun nýrra félaga og deilda og efla á annan hátt hnefaleikaíþróttina í landinu.
- b) Að setja nauðsynlegar reglur um málefni hnefaleikaíþróttarinnar á Íslandi, löggilda dómara, vinna að heildarskipulagi móta svo sem Íslandsmóta og bikarmóta.
- c) Að vera fulltrúi hnefaleikaíþróttarinnar í alþjóðlegu samstarfi og leitast við að reglur varðandi íþróttina á Íslandi séu í samræmi við alþjóðareglur.

## 4. grein

Málefnum Hnefaleikasambands Íslands er stjórnað af :

- a) Hnefaleikaþingi
- b) Stjórn HNÍ.

## 5. grein

Reikningsár HNÍ er almanaksárið.

## 6. grein

Hnefaleikaþingið fer með æðsta vald í málefnum HNÍ og skal haldið árlega á tímabilinu mars til maí. Þingið sitja tilnefndir fulltrúar þeirra aðila sem mynda HNÍ.

Fulltrúafjöldi hvers aðila fer eftir tölu virkra hnefaleikadæmenda, þannig að fyrir allt að 25 iðkendur koma 2 fulltrúar og síðan 1 fyrir hverja 25 eða brot

úr 25, allt að 100 iðkendum og þá 1 fulltrúi fyrir hverja 50 iðkendum þar fram yfir.

Hnefaleikaping skal boðað með auglýsingu og/eða tilkynningu með eigi minna en mánaðar fyrirvara. Fundarboð skal senda héraðssamböndum og íþróttabandalögum/sérráðum. Málefni sem sambandsaðilar óska eftir að tekin verði fyrir á þinginu og framboð til stjórnar skulu berast stjórn HNÍ a.m.k. þremur vikum fyrir þing. Eigi síðar en tveimur vikum fyrir þing, skal senda héraðssamböndum og íþróttabandalögum/sérráðum skriflegt fundarboð (síðara fundarboð) með dagskrá og upplýsingum um tillögur og mál sem leggja á fyrir þingið. Þingið getur þó tekið fyrir mál, borin upp með styttri fyrirvara, að fengnu samþykki 2/3 hluta þingfulltrúa. Hnefaleikaping er lögmætt, ef löglega hefur verið til þess boðað.

### **7. grein**

Á Hnefaleikapingi hafa kjörnir fulltrúar einir atkvæðisrétt, en rétt til setu á þinginu með málfrelsi og tillögurétt hafa:

- a) Stjórn HNÍ
- b) Heiðursformaður og heiðursfélagar
- c) Framkvæmdastjórn og framkvæmdastjóri ÍSÍ
- d) Fastráðnir starfsmenn HNÍ
- e) Fulltrúar í fastanefndum HNÍ

Auk þess getur stjórnin boðið öðrum aðilum þingsetu ef hún telur ástæðu til.

Allir fulltrúar skulu vera tilgreindir á kjörbréfi frá viðkomandi sambandsaðila og skal skila kjörbréfum inn til stjórnar HNÍ eigi síðar en tveimur vikum fyrir þing. Hver fulltrúi fer með eitt atkvæði en getur auk þess farið með önnur atkvæði, samkvæmt skriflegu umboði þess sambandsaðila sem hann er fulltrúi fyrir.

Við afgreiðslu almennra mála og í kosningum, ræður einfaldur meirihluti atkvæða, en til lagabreytinga þarf 2/3 hluta atkvæða.

### **8. grein**

Dagskrá Hnefaleikapings skal vera eftirfarandi:

1. Þingsetning.
2. Kosning þingforseta.
3. Kosning þingritara.
4. Kosning 3 manna kjörbréfanefndar.
5. Ávörp gesta.
6. Álit kjörbréfanefndar.

7. Skýrsla stjórnar lögð fram.
8. Endurskoðaðir reikningar sambandsins lagðir fram til samþykktar.
9. Fjárhagsáætlun næsta árs lögð fram.
- 10.
11. Gjaldskrá HNÍ borin fram til samþykktar.
12. Tillögur um breytingar á lögum og reglum HNÍ teknar til umræðu og afgreiðslu.
13. Aðrar tillögur sem kynntar voru í fundarboði teknar til umræðu og afgreiðslu.
14. Teknar fyrir tillögur og önnur mál sem komið hafa fram á þinginu og þingmeirihluti leyfir.
15. Kosningar:
  - stjórn og varastjórn, sbr. 10. grein
  - 2 skoðunarmenn reikninga.
  - fastanefndir sem starfa milli hnefaleikapinga.
  - fulltrúa á Íþróttaping ÍSÍ, skv. lögum ÍSÍ, á því ári sem Íþróttaping ÍSÍ fer fram.
16. Þingslit.

Allar kosningar geta verið skriflegar sé þess óskað sérstaklega, annars í heyranda hljóði.

### **9. grein**

Aukaþing má halda ef nauðsyn krefur eða ef helmingur sambandsaðila óskar þess. Allur boðunar- og tilkynningarfrestur til aukaþings má vera helmingi styttri en til reglulegs þings. Fulltrúar á aukaþingi eru þeir sömu og voru á næsta reglulega þingi á undan og gilda sömu kjörbréf. Þó má kjósa að nýju í stað fulltrúa sem er látinn, veikur eða forfallaður á annan hátt. Á aukaþingi má ekki gera lagabreytingar og ekki kjósa stjórn nema bráðabirgðastjórn, ef meirihluti kjörinnar aðalstjórnar hefur sagt af sér eða hætt störfum af öðrum orsökum, eða stjórnin að eigin dómi orðið óstarfhæf. Að öðru leyti gilda um aukaþing sömu reglur og um reglulegt hnefaleikaþing.

### **10. grein**

Stjórn HNÍ skal skipuð af 5 einstaklingum. Kjósa skal hlutbundinni kosningu, fyrst formann og síðan aðra stjórnarmenn. Stjórnin skiptir með sér verkum. Kjósa skal 2 menn í varastjórn HNÍ.

## 11. grein

Helstu störf stjórnar HNÍ eru:

- a) Að framkvæma ályktanir og samþykktir hnefaleikaþings.
- b) Að annast rekstur sambandsins.
- c) Að vinna að eflingu hnefaleikaíþróttarinnar um land allt.
- d) Að semja leikreglur og reglugerðir fyrir hnefaleikaíþróttina.
- e) Að sjá um að farið sé eftir viðurkenndum reglum, lögum sambandsins og fyrirmælum hnefaleikaþings.
- f) Að ákveða stund og stað fyrir hnefaleikaþing.
- g) Að raða niður og ákveða stað og stund fyrir landsmót og bikarmót í samráði við stjórnir héraðssambanda og íþróttabandalaga (sér ráða).
- h) Að senda framkvæmdastjórn ÍSÍ lögboðnar skýrslur og tilkynningar.
- i) Að sinna fyrir hönd Íslands alþjóðlegu samstarfi í málefnum hnefaleikaíþróttarinnar.
- j) Að innheimta gjöld samkvæmt samþykktri gjaldskrá af félögum/deilum.

## 12. grein

Ársskýrslur og ársreikningar sambandsaðila HNÍ skulu berast á tölvutæku formi til ÍSÍ fyrir 15. apríl ár hvert.

## 13. grein

Félög/deildir með iðkendur í hnefaleikum skulu skila inn viðurkenndri umsókn HNÍ til stjórnar sambandsins um mót sem þau vilja halda. Fulltrúum stjórnar er skylt að vera viðstaddir öll mót í greininni.

## 14. grein

Félagaskipti skulu fara fram í samræmi við Regluverk HNÍ.

## 15. grein

Um öll ágreiningsmál er upp kunna að koma innan hnefaleikaíþróttarinnar skal farið með skv. kafla 4 í lögum ÍSÍ, um dómstóla ÍSÍ.

## 16. grein

Merki HNÍ er ferkantað snúið í 45 gráður. Það sýnir hanska hnefaleikaíþróttarinnar í gylltum lit. Í bakgrunni eru litir íslenska fánans. Í hring í kringum hanskan stendur Hnefaleikasamband Íslands á íslensku og ensku.

## 17. grein

Heiðursfélag HNÍ má kjósa á hnefaleikaþingi.

Heiðursfélagar HNÍ hafa rétt til setu á hnefaleikapingum og hafa þar málfrelsi og tillögurétt.

### **18. grein**

Heiðursformann HNÍ má kjósa á hnefaleikapingi, ef 4/5 mættra þingfulltrúa samþykkja kjörið. Heiðursformaður HNÍ kemur fram fyrir hönd sambandsins þegar stjórn þess eða formaður fela honum það.

### **19. grein**

Tillögur um að leggja HNÍ niður, má aðeins taka fyrir á lögmætu hnefaleikapingi. Til þess að samþykkja slíka tillögu þarf minnst  $\frac{3}{4}$  hluta atkvæða kjörinna fulltrúa.

Hafi slík tillaga verið samþykkt, skal gera öllum sambandsaðilum grein fyrir henni í þingskýrslunni. Tillagan skal svo tekin til umræðu og lokaafgreiðslu á næsta hnefaleikapingi. Verði hún þá samþykkt aftur er það fullgild ákvörðun um að leggja HNÍ niður.

### **20. grein**

Sé HNÍ þannig löglega slitið, skal afhenda ÍSÍ eignir HNÍ til varðveislu.

### **21. grein**

Lög þessi öðlast gildi þegar eftir samþykkt þeirra og falla þá eldri lög úr gildi.

*Þannig samþykkt á ársþingi HNÍ 3. október 2020.*